



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

12 Quibus modis tollatur obligatio iuramenti, & cuius auctoritate.

[urn:nbn:de:hbz:466:1-72459](#)

re ut iuret; non quidem determinatē tali modo, sed absolute & in genere: quod est quotidianum apud mercatores qui cum infidelibus cōtrahunt. Sic Laban iniens fœdus cum Iacob, iurauit per Deum Abraham, & Deum Nachor, Gen. 31. fine tamen iusta causa non licet. Vide Augustinum epist. 154. ad Publicolam, & Serm. 30. de verbis Apostoli, qui totus est de iuramento.

⁵¹ Petes, Vtrū sit maius peccatum, iurare per verum Deum fallaciter, an per falsum veraciter?

Respondeo, Per se maius peccatum esse, iurare per falsum deum veraciter, si ex animo iures: quia venerabis illum animo & affectu pro vero Deo, quod est idololatria. potest tamen minus esse peccatum, vel ratione ignorantia, per quam gentiles multū excusantur; vel quia non iuras ex animo: & hoc modo intellige D. Augustin. epist. illa 154.vbi contrarium affirmare videtur.

D V B I T A T I O X I .

Vtrū sit maior obligatio iuramenti quam voti.

D.Thomas art.8.

⁵² Iuramen-tum pro-missoriū.

N^{on}otandum est, hanc questionem potissimum habere locū in iuramento promissorio, quo aliquid Deo vel homini promittitur. Ac primum, si aliquid iuramento promitas Deo, certum est te magis obligari, quam si solum voveas Deo; quia illud iuramentum eriam continet votum. unde est duplex in eo vinculum. Nec refert vtrū expresse an tacite promitas, vt si iures te daturum eleemosynam; quia tale iuramentum soli Deo factum, censetur continere votum: continet enim tacitam promissionem ad ipsum directam. Sed

Difficulitas est, si nihil Deo promittas, sed solum homini, vtrū talis iuramentum major sit obligatio, quam voti, quo simile quid Deo voves. D.Thom. negat; quia magis tenemur esse fideles Deo in promissis, quam reuerentes in verificando quod per nomen eius promisimus. qui enim est infidelis Deo, peccat contra reuerentiam & fidelitatem; qui autem non verificat quod per Deum iurauit, solum contra reuerentiam Deo debitam. Hæc sententia est probabilis, eamque sequuntur Caietan. & alij Thomistæ, & multi DD. Sed contrā

Obiici potest Primò, Qui non implet quod iurauit, facit Deum testem falsi: at hoc est grauius, quam ei non feruare fidem in promissis; per illud enim tribuitur Deo aliquid, quod ipsius natura repugnat; per hoc solum officium debitum deseritur. Secundò, Periurium contra veritatem presentem (vt cum quis iuramento assertorio iurat falsum, vel promissorio absque animo implendi) est grauius peccatum quam violatio voti: ergo iuramentum magis obligat, saltem ad illam veritatem procurandam, quam votum ad soluendum promissum. Antecedens patet, tum ex grauiissimis peccatis, quæ periuris apud omnes gentes statute sunt; plectunt enim vel morte, vel manus aut lingua praescissione, vel aliis modis corporaliter, & luce Canonico depositione: tum quia sunt infames vel ex uno actu: tum denique quia in tali periurio censetur esse maior contemptus Numinis. qui autem semel vel iterum violat votum, non habetur ita sceleratus, nec infamis. Tertiò, Iuramentum duplē obligationem inducit; obligat

enim non solum erga Deum, sed etiam erga hominem, cui fit iniuria si violetur: votum solum obligat Deo; ergo, &c.

Dices, Potest quis iurare nemini aliquid promittendo; vt si iures te daturum eleemosynam.

Respondeo, Tale iuramentum fit intuitu Dei, ^{resp.} vt illi placeas; itaque continetur in eo tacita promissio erga Deum, quæ iuramento confirmatur: unde erit in eo duplex vinculum. Quod si quis tale iuramentum ita faciat, vt non intendat quidquam alicui promittere, sed solum affirmare quid sit facturus, nihilominus hoc vinculum per se fortius erit vt verificet quod dixit, quam vinculum voti, vt ex secundo arguento patet.

Ob has rationes hæc sententia est validè probabilis, quam tenet Ioannes Maior in 4. d. 38. qu. 5. Michaël Medina lib. 5. de continentia c. 22. & 23. & alij quidam recentiores. Nauarr. c. 22. num. 32. ^{Concilia-} conatur has sententias conciliare; dicitque senten-tio Nauar-rum Maior est veram, quando vtrumque fit principaliter in honorem Dei, vel vtrumque principaliter in commodum proximi. sententiam autem D.Thoma est veram, quando votum fit principaliter in honorem Dei, iuramentum in commodum proximi. vbi satias indicat Nauarrus, iuramentum per se & ceteris paribus maius vinculum inducere. Quod si verum est, sequitur etiam in hoc ultimo casu (quando votum fit potissimum in honorem Dei, & iuramentum in commodum proximi) magis obligare; nam in iuramento est duplex obligatio, scilicet religionis erga Deum, que per se est firmior; & iustitia erga proximum: in voto solum est una obligatio, scilicet religionis erga Deum.

Ad rationem alterius sententiae: Periurium non solum est contra simplicem reuerentiam Deo debitam, sed etiam contra perfectionem diuinam: nam periuris, quantum in se est, facit Deum testimoniū falsi. In violatione voti, est contra reuerentiam & contra fidelitatem, non sunt duæ malitia distinctae, sed altera pender exaltera; ideo enim est contra reuerentiam, quia est contra fidelitatem debitam ex promissione supremo Domino: violare enim fidem domino suo, irreuerentia est in illum & quamus essent distinctæ, non tamen omnino æquarent malitiam periurij.

Ratio tamen D.Thoma benè probat, opus, quod ex voto fit, esse Deo gratius, & magis meritorium quam quod ex iuramento; quia illud immediatè offertur Deo, & ex affectu illum honorandi: itaque induit speciem actus religionis. hoc verò ordinariè non procedit ex tali affectu, sed ex affectu iustitiae erga proximum, vel timore iniustitiae aut periurij; neque exhibetur Deo, sed proximo.

D V B I T A T I O X I I .

Quibus modis tollatur obligatio iuramenti, & cuius auctoritate.

D^{icitur} Vpliciter tolli potest obligatio à iuramento. Primò, Impediendo ne illam ab initio in-ducat. Secundò, Tollendo iam inductam. Impe-⁵⁵ obligatio diri potest obligatio iuramenti per legem, si lex iuramenti statuat vt iuramentum contractui vel promissione alicui adiectum sit irritum, & nullam inducat ob-ligatio-

ligationem. Sic Concilium Trident. l. 25. c. 16. de Regul. irritum reddit iuramentum adiectum renuntiacioni bonorum, si fiat ante bimelitro, quod praecedit professionem: de quo supra cap. 41. num. 39. 40. Sic in regno Lusitanie irriti redundunt per legem omnes contractus, obligaciones, conuentiones, promissiones, remissiones, & distractus iuramento confirmati, si alioquin ad forum secularium eorum cognitos pertinebat: nisi cum Regis facultate iuramentum appositum fuerit. Simili ferè modo in regno Castellæ, exceptis quibusdam contractibus, ut refert Molina disputat. 149. Quodidæ factum est, ne lites super huiusmodi contractibus traherentur ad forum Ecclesiasticum, iuramentum enim facit, ut causa, quæ alias merè est ciuilis, fiat fori mixta. ut patet ex cap. fin. de foro competenti, in 6.

⁵⁶ Sed difficultas est, quomodo potestas humana hoc possit, cùm obligatio naturaliter & necessariò resulset ex iuramento; Iure enim naturæ temnem cauere ne Deum faciamus testem falsi, ut supra ostensum est num. 38. Omissis variis sententiis, quæ rem non explicant, nec punctum tangunt,

^{1. Reddendo inhababilem ad acceptandum} Respondeo, Dupliciter intelligi posse id fieri. Primo, Eum in cuius fauorem fit, reddendo inhabibilem ad acceptandum. cùm enim iuramentum promissorium non obliget, nisi promissio acceptetur ab eo in cuius fauorem factum est; si hic sit inhabilis ad acceptandum, nulla potest nasci obligatio. Quòd autem talis inhabilitas etiam lege ciuilis induci possit, non videtur dubitandum; quia lex ciuilis potest reddere inhabilem ad officia, ad contractus, ad alienationes, ad acquisitionem bonorum, & familia: cur non eriam ad validè acceptandum alterius promissionem? Verùm hi modus non videtur sufficiens: quia etiam si acceptatio sit inutila, & contractus irritus, iuramentum tamen non reuocandi tales contractum potest esse validum, ut patet in contractu minoris quo alienat rem immobilem sine auctoritate Iudicis, adhibito iureirando de non contraueniendo: & in contractu pupilli qui pubertati proximus.

^{2. Condonando obli-} Secundo, Intelligi potest id fieri condonando seu remittendo obligationem, hoc ipso quo iurans tentat illam inducere: cùm enim iuramentum promissorium non obliget, si ille, cui fit, statim remittat, (nam sub hac tacita conditione, Si velis, Si non remiseris, fieri cenfetur) etiam non obligabit, si Superior illius ex iusta causa remittat, haec enim remissio non est minus efficax quam remissio inferioris, cuius intercessit, & eam virtute continet: vnde non minus resistit obligationi, quam illa. quare etiam lex irritans eidem obligationi resulset, cùm tales remissionem contineat censetur. Et hoc modo videntur etiam leges ciuilis, posita iusta causa, posse impedire iuramenti vinculum in materia ciuili. de quo vide Couarru: in cap. Quamvis pactum par. 1. §. 3. num. 25. & sequentibus.

^{3. Prohibendo ex-ecutionem.} Alio modo impediti potest obligatio, quando prohibetur executio, ita ut sine peccato fieri non possit: quomodo putant multi impediti obligationem pœnae conuentionalis sponsalibus apposita & iuramento confirmata, de quo supra cap. 17. dub. 7.

⁵⁷ Obligatio iam inducta tolli potest quinque modis.

Primo, Mutatione materiæ; ut si res iurata fiat ^{1. Mutatio-} impossibilis iuranti, aut illicita, Superiore vetante ^{teria.} te: quo modo etiam potestas secularis subinde vti potest.

Secundò, Condonatione; ut si is, in cuius factum est, remittat obligationem; qui quis natione enim potest condonare promissionem factam in suum fauorem, etiamsi facta sit in modum voti; ut si vocreas Deo, & iures te duceturum Catharanam pauperem, vel daturum illi docem ut melius nubat. Contrarium tenet Sorus lib. 8. de Iustitia quæst. 1. art. 9. & quidam alij.

Sed Probatur: Quia qui facit tale votum vel iuramentum, non intendit se obligare nisi sub tacita conditione, Si ille, de cuius commode agitur, velit acceptare, non enim intendit iniuriant ad beneficium acceptandum cogere, vel nolenti obtrudere: ergo si ille nolit, vel condonet, non obligatur; cessat enim conditio sub qua obligatio inducta est. eodem ex iusta causa ut potest ciuitatis potestas.

Tertiò, Commutatione; ut si ille, cui factum est, concedat aliud opus loco illius quod iuramento promissum est, præstari. Vbi Notandum est, quando talis commutatio facta est, iurantem non teneri ex vi iuramenti ad illud in quod facta est; quia illud iuramento non promisit. sed ex pæsto, quod illud loco alterius acceptavit. Parimodo si iurasti soluere ad certum diem, & creditor terminum proroget ad mensem, non teneris post illum diem ante finem mensis ex vi iuramenti, sed solum ex pæsto. Secùs tamen est in commutatione voti: quia dum acceptas commutationem, tacite Deo promitis id in quod fit commutatio; quæ promissio cùm Deo fiat, habet vim voti. Ratio est, quia Prælatus commutans non condonat nomine Dei priorem obligationem, nisi ea lege ut loco illius aliam suscipias; non erga scipsum, sed erga Deum; quia non suo, sed Dei nomine agit: atqui haec obligatio erga Deum est voti: ergo, &c. Confirmatur, quia si creditor commutet volente debitore aliquod debitum in aliud, hoc ipso, quo debitor acceperat, censetur illud promittere & se obligare.

Vt autem intelligatur a quo haec commutatio fieri possit, Notandum est, omne iuramentum promissorium fieri vel in honorem Dei, & sic continet votum; vel in fauorem hominis, & tunc vel acceptatur, vel non acceptatur. Si fiat in honorem Dei, (ut si iures te auditurum Sacrum, daturum aliqui pauperi elemosynam, seruatrum continentiam) commutari potest ab eo, qui simile votum potestate ordinaria commutare potest, ut communiter docent DD.

Vnde sequitur Primo, Episcopum & alios Prae-^{Constituta-} latos habentes iurisdictionem quasi Episcopalem ^{A quo fieri possit com-} in suis subditos, posse omnia talia iuramenta, præter ea quæ implicant votum Pontifici reseruatum, commutare. Secundò, Omnia talia iuramenta extinguiri professione Religioris approbatæ. Ter-^{ria 3.} tiò, Quemuis possit talia a se facta in melius comutare, quod colligitur aperte ex cap. Peruenit 2. de iureirando. Nec refert, etiamsi tale iuramentum cedat in commodum tertij; quia si promissio verba ad illum directa non sint, nullum ille ius acquirit, sicut supra cap. 40. n. 90. de votodictum est. Si autem fiat in fauorem hominis, & validè sit acceptatum, non potest commutari ab alio, ipso

inuitio, nisi intercesserit iniuria, vel in paenam iustam, vel bonum commune aliud postulet, ut statim dicemus.

*An Regulares possint.
Multorum sententia possunt.*

Petes, Vtrum Regulares, qui ex privilegio & potestate delegata commutant vota, possint etiam communicare iuramenta de eadem materia? Multi sentiunt posse. Primo, Quia iuramenti vinculum per se minus est quam voti, secundum D. Thomam & plurimos DD. at cui cœcessum quod maius est, censetur etiam concessum quod minus. Secundo, Quia obligatio iuramenti promissori per se euaneat, sublatu promiseione per condonationem vel commutationem: ergo qui potest vinculum promissionis seu voti tollere, potest etiam tollere vinculum iuramenti. Confirmatur, quia accessorium sequitur naturam principalis; reg. 42. de regulis Iuris, in 6. sed iuramentum est accessorium voto: ergo sublatu voto tollitur iuramentum. Tertio, Quia huiusmodi iuramenta etiam sunt vota; ergo qui potest in omnibus votis, potest etiam in illis iuramentis. Hanc sententiam tenet Petrus Arragonius art. 12. Didacus Lopez tract. de voto q. 5. num. 42. Vinaldus cap. 14. q. 8. & alij multi recentiores. Idem sentire videntur, qui dicunt idem iudicandum de absolutione a voto, & a iuramento, vt Silvestr. Iuram. 5. q. 3. Sotus lib. 8. q. 1. art. 9. Fumus v. Iuram. num. 19. & alij.

*Obiectio.
Privilégia.*

Resp.

Dices, Hæc facultas commutandi & dispensandi est priuilegium: priuilegia autem sunt strictè interpretanda, cap. Cum in illis. 16. cap. Cui de non fæderorali. 27. de præbendis, in 6. quia Iuri communis derogant: vnde etiam dicuntur odia Iuris: odia autem sunt restringenda, ut habetur regula 15. de regulis Iuris, in 6.

Respondere potest, talè facultatem, concessam in fauorem aliquorum particularium, censeri priuilegium, & odium Iuris; ac proinde strictè esse interpretandam: scilicet verò quando concessa in fauorem publicum, etiam si alicui particulari concessa sit; tunc enim censerri non priuilegium & odium Iuris, sed fauorem & beneficium Principis. Vnde late esse interpretandam, quantum verba pariuntur, iuxta regulam dictam, *Odia restringe, fauores conuenit ampliare.* Ita Panormitanus in cap. final. de simonia, & Gloffa ibid. & alij passim. quod multò magis locum habet, quando concessa est non particulari alicui, sed integro Ordini: tunc enim non solum non censetur odium Iuris, sed etiam æquatur Iuri communis, inserto corpori Iuris, adeò ut per Bullas & alias reseruationes ei non derogetur, nisi habeant expressam clausulam derogatoriam: quod etiam signum est esse merum fauorem & beneficium, ac proinde latissime interpretandum; beneficium inquam, non tam Ordinis, quam populi Christiani. Nec obstat si dicatur vinculum iuramenti esse fortius; hoc enim intelligendum manente vinculo promissionis: si tamen hoc per condonationem soluat, statim per se euaneat vinculum iuramenti. Hinc videamus, iisdem causis solui sponsalia iurata, quibus soluuntur simplicia; quia eamdem tacitam conditionem habent.

Contrarium tenet Nauart. cap. 27. n. 275. Enchiridij, Iohannes Azorius lib. 11. cap. 10. qu. 2. & quidam alij recentiores, quorum sententia est magis conformis stylo Curie Romanæ. Solet enim tamquam speciale priuilegium concedi potestas commutandi iuramenta.

Sed vtendum videtur distinctione. Si enī iuramentum fiat animo promittendi Deo, ita ut includat votum; commutari potest ab iis qui vota familiaria commutant. Ratio est, quia iuramentum est voto accessorium. vnde qui potest tollere obligationem voti, eo ipso potest tollere obligationem iuramenti, accessorium enim sequitur suum principale; & sublatu fundamento, ruit quod illi innititur. Simili modo qui potest tollere promissionem factam homini, potest etiam iuramentum tollere quo illa promissio confirmata fuit. Excipio promissionem minoris iuramento confirmatam, quia iuramentum dispositione legis facit ipsum quasi maiorem, vt infra num. 61. dicitur. Si verò non fiat animo promittendi Deo, sed solum firmandi se in bono proposito; vel si apponatur voto principaliter & non accessoriè, non potest commutari à priuilegiis, nisi priuilegium habeat ut possint commutare iuramenta ab ille præiudicio tertii. Ratio est, quia tale iuramentum vel non includit votum, vel saltem non est voto accessorium, sed additur principaliter & immediatè ad obligandum se ad opus. Vnde cum vinculum iuramenti sit valde diuersum à vinculo voti, potestas concessa circa vota non potest extendi ad iuramenta. Tunc autem iuramentum est voto accessorium, quandó solum fit ad confirmandum votum, ne videlicet contraria quamdiu manet obligatio promissionis. & tunc iuramentum retinet omnes tacitas conditiones quas habet votum, itaque cum votum habeat hanc conditionem, nisi condonatum vel commutatum fuerit, &c. posita hac conditione, cessat vis iuramenti. Similiter cessat, si quo casu definat obligatio voti, nam iuramentum solum obligat, quamdiu manet vis voti seu promissionis. Tunc verò non est accessorium sed principale vinculum, quando apponitur non solum ad confirmationem voti, sed per se primò ad firmandum animum in bono opere sive cesseribligatio voti, sive non. nam mens est obligare se ad opus, quia Deo gratum, salutare anima, &c. Vnde non cessat obligatio talis iuramenti, nisi contingat opus non esse Deo gratum, vel maius bonus impedit, vel reddatur impossibile. Nec alias tacitas conditiones habet tale iuramentum.

Quarto, Tollit potest irritatione, vt quando materia iuramenti promissori subest alterius potest, siue ille sit Ecclesiasticus, siue laicus, siue persona publica, siue privata, sicut dictum est de voto. Hoc modo interdum irrita redditur à Conciliis & Summis Pontificibus iuramenta, quæ sunt in Capitulis à Canonis de seruandis statutis & confutudinibus, de acceptando vel non acceptando beneficio, & similia. & quæ sunt in Universitatibus & Baccalaureis de non fuscipendiis alibi gradibus, & alia id genus; vt notat Caetanus art. 9. censetur enim in huiusmodi semper excepta potestas Superioris, quam inferiores per suum iuramentum restringere non possunt.

Hinc pater, omnes eos posse irritare iuramenta, qui vota eiusdem materia irrita reddere poterant.

Hic tamen excipienda iuramenta minorum: esti iuramenta enim iuratores possint irrita reddere vota realia minorum ipsorum, quatenus eorum administratione officiant, vt supra cap. 40. dub. 14. dictum est: non tamen iuramenta, vt colligitur L. 1 & 2. C. Si aduersus venditionem; vbi etiam non conceditur illis restitutio in integrum, etiam si ex contractu laxi-

sint,

*Dupliciter
apponitur
iuramen-
tum.*

*Quando se
accessoriū
voto.*

*Quando
non se ac-
cessoriū.*

*4. Irrita-
tionē.*

sunt, si iuramento illum confirmarunt: quia iuramentum supplet defectum atatis, eosque dispositione legis effici maiores, ut ibidem Doctores notant. Nec refert quod praedictae leges loquuntur solum de contractibus; quia eadem est ratio in votis, vt pater ex dicta L. 1. non enim minus persidia & peritium in votis locum habere potest, quam in contractibus.

Impuberum tamen iuramenta irritari possunt a tutoribus, sicut & vota; quia nihil Iura in contrarium statuerunt, & alias non sunt sui iuris, sed subsunt in omnibus regimini tutorum; & habetur expressè 22.q.5.cap.Pueri.13.

De iuramentis filiis familias dicendum sicut de votis eiusdem. Vnde sicut pater potest in irrum reuocare vota filii de bonis aduentiis, non solum ante vigesimumquintum annum facta, sed etiam in ulteriore aetate, eò quod illa iuri ipsius officiunt; ita etiam iuramenta de ipsisdem: non enim per aetatem eximunt a patria potestate, vt communiter tradunt DD. in L. vlt. §. Pupillus. 7. de verb. obligat. nec ratione illius acquirit ipsum frumentum aut administrationem suorum aduentiorum. Vide Sancium lib. 6. de mart. disp. 39. n. 10.

62
5. Dispensatione.

Quintus, Dispensatione, seu absolutione, haec fit auctoritate solius Superioris. Et quidem si iuramentum habeat speciem voti, aboliuere ab eo potest, qui potest a voto eiusdem materiae absoluere ordinaria potestate. Si autem solum delegatam potestatem a voto absoluendi habeat, multorum quidem iudicium est, etiam posse a iuramento eiusdem materiae, sed dicendum est iuxta distinctionem datum supra num. 60. Si vero factum est in fauorem tertij, & acceptatum, Superior absoluere non potest, nisi legitima causa subdit; quia non potest ius alterius tollere sine iusta causa. Causae iustæ sunt; Primo, si meu vel fraude extortum. Secundo, si alia iniustitia intercessit; vt cum usurarius exigit iuramentum de soluendis usuris. Item quando quis in contractu grauitate laesus est, & coactus est illum iuramento confirmare, vel non aduertens illam laesio nem, sponte confirmavit. Tertio, In iustam paenam. Quarum, si bonum commune postulet, vt si filius familias cum iuramento renuntiet Macedonio; de quo supra cap. 20. num. 9. si cum iuramento promittas non accusare, &c.

63
Quomodo possit vinculum iuramenti laxari.

Sed difficultas est, qua ratione possit Superior in his eventus iuramenti vinculum relaxare. non enim sicut Praetor nomine Dei condonare potest promissionem. Deo factam, ita etiam condonare potest obligatiosem, qua teneris Deum non facere testem fali, cum nec ipse Deus hanc obligationem tollere possit: hoc enim esset dare licentiam perire, ac irreverentia & iniuria in Deum.

Hanc difficultatem apud nullum Auctorem inueni explicatam; cum tamen sit satis obscura & perplexa. Mihi dicendum videtur, iuramenti vinculum non posse vlo modo tolli, nisi appositione vel subtractione aliquicui conditionis, qua tacite censebatur ex natura rei vel iuris dispositione inclusa promissione, vel iuramento promissioni apposito. Qui enim aliquid promittit alteri, tacite subintelligit has conditions, Si velis, Nisi remittas, Nisi Superior cui materia subest, contradicat, Nisi ipse sua auctoritate condonet, &c. Hinc dici solet, in iuramento censer exceptam Superioris auctoritatem. Itaque quando per iniuriam extortum est,

ille Superior potest relaxare iuramentum, qui sua auctoritate potest remittere solutionem. quod ut melius intelligatur,

Notandum est, in iuramento promissorio binas interuenient obligationes erga eum in cuius fauore præstatur. quarum altera præcisè oritur ex promissione, altera ex ipso iuramento. Ex promissione oritur quedam obligatio saltem fidelitatis aut veritatis; cui si non satisfasias, censuris perfidus aut mendax. Verum si promissio per iniuriam extorta est, facile potest haec obligatio elidi ab eo qui iniuriam passus est, ita vt ne quidem ex decencia aut honestate teneatur ei satisfacere, quando est solitaria. potest enim ratione iniurie se ipsum restituere in integrum, vel vt quasi compensatione non soluendo promissum, cum solum agatur de commido promissarii qui per iniuriam promissionem extortus. Ne autem promissor id facere possit, & sic eludere promissiarum, exigi solet iuramentum quo Deus vocatur in testem, nimirum vt puniat promissorem nisi præstet quod promisit, & ita promissor reverentia & timore Dei moueat ad soluendum; siveque ex iuramento nascitur noua obligatio erga promissarum ad præstandum promissum in ipsis commodum. Ita enim Deus adducitur in testem promissionis & solutionis futuræ, vt nisi eam præstes, censuris Deo fuisse irreverens & iniurius, vt qui illum feceris testem falsi.

Vnde patet, hic esse duas obligationes, seu duo debita erga promissarium, quibus censuris ei debere soluere promissum; alterum ex fidelitate vel veritate, alterum ex vinculo Religionis erga Deum. Vtraque tamen obligatio ex natura rei habet hanc tacitam conditionem, Nisi promissarius remiserit, vel, Nisi legitimè remisso internenerit. Potest enim promissarius omnem obligationem, & omne debitum quod illi sive ex promissione nuda, sive ex iuramento accidente, obuenit, condonare, cum totum in ipsis gratiam & fauorem factum sit. Itaque si promissarius condonet promissionem seu promissionis executionem, totum debitum euaneat, etiam si promissio iuramento fuerit stabilita: quia obligatio iuramenti erat accessoria promissioni, tique tamquam fundamento nitebatur, & hanc tacitam includebat conditionem. Vnde non potest condonari promissio, quin simul condonet & cuanescat obligatio iuramenti. potest tamen condonari obligatio iuramenti, sive manente obligatione promissionis vel contractus, quia haec non pendet ab illa, cum sit prior, & fundamentum illius. Vnde quando contractus aliquis inter duos est initus, & utrumque iuramento confirmatus, potest iterque alteri facere gratiam iuramenti, condonando obligacionem ex iuramento ortam, sive manente propria obligatione contractus. Idem dicendum quando promissio aliqua fuit iuramento stabilita: potest enim promissarius, in cuius fauorem & promissio & iuramentum factum est, condonare omnem obligacionem quæ ad implemandam promissionem erga ipsum ex iuramento orta est, sive manente obligatione nuda promissionis.

Ex quibus patet, duobus modis posse tolli obligacionem iuramenti, nimirum mediate & immediate. Mediate tollitur, quando condonatur ipsa promissio seu eius executio. tunc enim ex consequenti simile euaneat obligatio iuramenti. In-

Duobus modis posse tolli obligatio iuramenti.

Ggg 4. mediate,

Subtractione conditionis solvitur.

mediate, quando condonatur ipsa obligatio orta ex iuramento erga promissarium ad exequendam promissionem.

*Relaxat
Superior
per modum
condonati
onis.*

His positis tamquam certis & perspicuis, facile intelligi potest quomodo Superior possit relaxare iuramentum. Sicut enim is in cuius fauorem & commodum praesitum est, potest illud relaxare; ita etiam eius Superior, cui velille pleno iure subest, sicut pupillus tutori, vel Religiosus Praelato, vel saltem cui materia promissa subest, ita ut possit eam prohibere, vel de ea disponere, sicut filius familiae in quibusdam subest patri, & subditus suo Principi. Sicut enim Superior potest cogere inferiorem ut obligationem iuramenti remittat, quando iusta causa id postulat vel subest, ita ipse per se potest eam remittere, illo nolente vel non comparente; vel alias quando sic expedit, & tunc consensu Superioris supplet defectum consensus inferioris. Vnde cum Christus Dominus omnium sit Superior, potest ipse omnem talen obligationem condonare. Et consequenter idem potest Summus Pontifex Christi vicarius in omnibus Christianis, quando iusta causa subest; quia Deus omnem illi potestatem concessit, quae erat necessaria ad ritè gubernandam Ecclesiam, & ad obviandum periculis animalium quæ ex obligationibus iuramentorum & votorum solent inter homines incidere. Nisi enim talis potestas Ecclesiae data esset, grauissima sequerentur incommoda, & multæ animæ ratione huiusmodi vinculorum perirent.

*64
Quar-
tione Sum-
mus Pon-
tificis.*

Itaque Summus Pontifex, vt Christi Vicarius & omniū Christianorū Superior, potest immediatē collere & condonare omnem obligationem ex iuramento promissorio ortam erga aliquem, quando iusta causa subest; quæ condonatio non minus efficax est, quam si ipse promissarius, in cuius fauorem iuramentum erat, eam fecisset.

Nec obstat quod iuramentum factum sit infidelis qui Pontifici non subest: satis enim est, eum, à quo infidelis per iniuriam iuramentum extortis, ei subditum esse. Sic enim ad Pontificem pertinet eum in rebus quæ ad salutem eius pertinent gubernare, & vinculis inquis soluere. Et quamvis non sit propriè Superior illius infidelis, ac proinde non possit nomine proprio condonare obligationem ipsi factam; tamen cum sit Vicarius Dei qui omnium est Superior, potest nomine Dei condonare obligationem illam subdito suo per iuramentum ab infidei injectam.

*Et Episco-
pus.*

Pari modo Episcopus potest dispensare in iuramento promissorio, etiamsi in fauorem eius qui ipsi non est subditus, factum sit, modò iusta causa subest. iusta vero causa subest, quando per iniuriam exactum est, sive metus interuenerit sive non. Hinc Doctores in cap. Debtores 6. de iuramento, generatim docent, iuriandum quo quis usurario promisit soluere usurias, ab Episcopo relaxari posse. Etsi enim usurarius ille non sit subditus Episcopi, ac proinde non possit Episcopus proprio nomine tamquam Superior illius condonare obligationem, tamen potest illam condonare tamquam Vicarius Dei qui omnium Superior.

Simili modo possunt huiusmodi iuramenta per iniuriam extorta relaxare Religiosi, quibus per privilegium Sedis Apostolicæ concessum relaxare iuramenta, quorum absolutio non est in praedictum tertij. Quando enim per iniuriam

exactum est, nullum ius strictum acquistum est exæctori, aut alteri in cuius fauorem exactum: ac proinde absolutio non censemur esse in eius prædictum, id est in damnum iniquum.

Sæpè etiam iusta causa relaxandi iuramenti etiam debito modo præstiti & exacti, est punitio delinquentis, & cativo periculorum quæ ab ipso imponent. Hoc modo relaxatur iuramentum subditorum quo obstricti sunt suo Principi vel alteri Superiori; quando ille ob crimen per Summum Pontificem, vel alias per suum Superiorum legitimè priuat dignitate vel officio, ratione cuius ei præstitum erat iuramentum, vel quando suspenditur ab officijs sui executione. vi patet cap. Absolutos. 16. de hæreticis, vbi sic dicitur: *Ab solutis se noverint à debito fidelitatis, dominij & iuris obsequi, quicumque lapsis manifeste in hæretism, aliquo pacto, quacumque firmitate vallato, tenebantur astricti, vt subditi, serui & vasalli. Idem dicendum de iis qui publice excommunicatis simili modo obstricti erant, vt habetur cap. Nos sanctorum. i. 5. q. 6. ex Gregorio VII.*

Denique interdum ratione boni communis relaxari potest, vt cum quis promisit alteri cum iuramento non accusare, non denunciare, non contratestari, & similia. nisi enim talia relaxari possent, crimina detegi & puniri, iudicia exerceri, innocentia defendi, iniquitas opprimi non possit; quæ omnia sunt contra bonum communione.

Hæc tamen iuramenta per se non cessant, sed seruanda sunt, nisi quando alioquin teneris haec officia præstare; vt si proximus aliter non putetur emendandus, aut si à Iudice legitimè rogeris. tunc enim haec iuramenta non egent relaxatione. Quod si talia iuramenta non sponte facta in gratiam alterius, sed metu extorta sint, non obligant, nec egent relaxatione, vt colligitur ex L. 2. C. Si aduersus vendit. vide iuprà dubit. 6. in fine.

Circa predicta Norandum est, non omnem relaxationem iuramenti esse dispensationem propriè in iuramento. Cum enim is, in cuius commodum factum est, illud condonat, non est dispensatio, nec actus spiritualis potestatis, sed nuda condonatio. Similiter cum sit per Superiorum illius positâ legitimâ causâ; vt si Iudex ad punitum usuriarum qui absque Principi permisso usurias fecisset, condonaret seu irriteret obligationem iuramenti præstii usurario à mutuariis de soluendis usuris. Verum tunc est propriè dispensatio, quando Praelatus Ecclesiasticus, vel alia persona Ecclesiastica ab illo auctoritatē habens, tamquam Dei Vicarius, & nomine Dei obligationem condonat, & vinculum iuramento inductum dissoluit. Vnde patet, dispensationem iuramenti esse solius potestatis Ecclesiasticæ.

DUBITATIO XIII.

Quid sit adiuratio, & in qua competit.

D.Thom. quest. 90.

R Espondeo & Dico Primò, *Adiuratio est rei sacrae contestatio ad permouendum alterum.* *Adiuratio ficut*